



Broj:01/5-02-2633-1/23
Sarajevo, 8. 11. 2023. godine

Priljeno: 28.11.2023.			
Org. jed.	Broj	Priloga	Vrijednost

PREDSTAVNIČKOM DOMU

Komisija za sigurnost Predstavničkog doma Parlamenta Federacije Bosne i Hercegovine (u daljem tekstu: Komisija) održala je **6. sjednicu u ponedjeljak, 8. 11. 2023. godine**. Sjednici Komisije prisustvovao je dovoljan broj članova Komisije, tako da su ispunjeni uslovi za punovažan rad u pogledu kvoruma i odlučivanja.

Prema predloženom dnevnom redu Komisija je jednoglasno usvojila sljedeći:

DNEVNI RED

1. Usvajanje Zapisnika s 5. sjednice Komisije,
2. Razmatranje informacije u skladu s usvojenim zaključkom ad-4 s 5. sjednice Komisije za sigurnost PD PFBiH broj: 01/5-02-2247/23 održanoj 14. 9. 2023. godine,
3. Tekuća pitanja.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1 Usvajanje Zapisnika s 5. sjednice Komisije

Zapisnik s 5. sjednice Komisije je jednoglasno usvojen.

Ad-2 Razmatranje informacije u skladu s usvojenim zaključkom ad-4 s 5. sjednice

Komisije za sigurnost PD PFBiH broj: 01/5-02-2247/23 održanoj 14. 9. 2023. godine

Nakod uvodnog izlaganja predsjednika Komisije Dragana Miočkovića po tački Razmatranje informacije u skladu s usvojenim zaključkom s 5. sjednice Komisije za sigurnost PD PFBiH broj: 01/5-02-2247/23 održanoj 14. 9. 2023. godine, kako slijedi: Članovi Komisije za sigurnost Predstavničkog doma Parlamenta Federacije Bosne i Hercegovine će u narednom periodu izvršiti obilazak svih kantonalnih ministarstva unutrašnjih poslova, s ciljem sticanja uvida u stanje sigurnosti u Federaciji Bosne i Hercegovine, ne samo putem redovnog izvještavanja od strane FMUP, nego i kroz direktan kontakt sa čelnim ljudima unutar policijske strukture u Federaciji BiH. S ciljem kvalitetne pripreme članova Komisije, do 01.10.2023. dostaviti sljedeće podatke:

1. Broj prijavljenih u odnosu na broj riješenih krivičnih djela protiv života i tijela,



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

2. Broj prijavljenih u odnosu na broj riješenih krivičnih djela iz oblasti protiv spolne slobode i morala,
3. Broj prijavljenih u odnosu na broj riješenih krivičnih djela teška krađa, razbojništvo, razbojnička krađa,
4. Broj prijavljenih krivičnih djela nasilja u porodici,
5. Ukupan broj prijavljenih saobraćajnih nezgoda,
6. Broj saobraćajnih nezgoda sa smrtnom posljedicom,
7. Broj saobraćajnih nezgoda sa povrijeđenim licima,
8. Događaji koji se mogu dovesti u kontekst teških krivičnih djela protiv opće sigurnosti ljudi i imovine i krivičnih djela počinjenih iz mržnje – ugrožavanje života i tijela pripadnika manjinske populacije, napadi na sveštena lica, skrnavljenje bogomolja, oštećenja nadgrobnih spomenika i sl.

Traženi podaci se odnose na period 01. 1. – 01. 9. 2023. godine, uporedno, sa istim periodom 2022. godine.

Nakon sveobuhvatne diskusije po dostavljenim informacijama KMUP-ova, članovi Komisije jednoglasno su donijeli sljedeći:

ZAKLJUČAK

Analiza legislative iz oblasti sigurnosti – primjena i prijedlozi za poboljšanje,

- Procjena potpunosti i opremljenosti policijskih agencija,
- Specifičnosti sigurnosnih izazova u kantonima.

Analiza zakonodavstva u domenu sigurnosti donosi ključne uvide u trenutno stanje i primjenu postojećih zakona, pružajući osnovu za identifikaciju područja koja zahtijevaju unapređenje. Ovaj pregled ima cilj skrenuti pažnju na važnost kontinuiranog praćenja i prilagodbu zakonskih instrumenata kako bi se odgovorilo na sigurnosne izazove BiH društva.

Procjena potpunosti i opremljenosti policijskih agencija od suštinske je važnosti za efikasno obavljanje njihovih zadataka. Ukoliko agencije nisu adekvatno opremljene ili ako je kapacitet osoblja nedostatan, to može ozbiljno ograničiti njihovu sposobnost odgovora na različite prijetnje. Ovaj aspekt istraživanja naglašava nužnost kontinuiranih investicija u resurse i obuku kako bi policijske agencije bile u mogućnosti efikasno se nositi s izazovima sigurnosti.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Specifičnosti sigurnosnih izazova u pojedinim kantonima predstavljaju ključnu tačku koja zahtijeva posebnu pažnju. Svaki kanton može biti izložen specifičnim prijetnjama koje ćemo identifikovati. Ova teza potiče daljnje istraživanje kako bi se osmislile prilagođene strategije i politike sigurnosti koje će odražavati lokalne potrebe i izazove.

U konačnici, rad na unapređenju zakonodavstva i operativnih kapaciteta u domeni sigurnosti ključan je za izgradnju sigurnog društva. Ove teze pružaju temelj za daljnje istraživanje i akciju, potičući promišljanje o inovativnim pristupima i strategijama koje će omogućiti efikasniji odgovor na izazove koji proizlaze iz kompleksnog sigurnosnog okvira.

Komisija za sigurnost Zastupničkog doma Parlamenta Federacije BiH će održati sastanke sa ključnim osobljem kantona iz segmenta sigurnosti, te sublimirati informacije i na osnovu istih pripremiti mjere za otklanjanje anomalija u sektoru sigurnosti. Prema procjeni Komisija će organizovati tematsku sjednicu po završetku navedenih sastanaka sa predstavnicima kantona.

Ad-5 Tekuća pitanja

Nakon izlaganja predsjednika Komisije Dragana Miokovića po aktu Ureda za reviziju institucija u Federaciji BiH i obavljene sveobuhvatne diskusije članovi Komisije jednoglasno su prihvatili sljedeći:

ZAKLJUČAK

Članovi Komisije za sigurnost Predstavničkog doma Parlamenta Federacije Bosne i Hercegovine predlaže Uredu za reviziju institucija u Federaciji BiH da, pored redovne revizije KPZ-ova u Federaciji BiH urade i reviziju učinka istih.

U skladu sa članom 53. Poslovnika Predstavničkog doma za izvjestioca je određen Dragan Mioković, predsjednik Komisije.

PREDSJEDNIK KOMISIJE
Dragan Mioković, s.r.